

GAA-BAAKISING

September biinish April gii-izhiseg

9:00 gizheb biinish 5:00 ishkwa-naawakweg

Oshkigiizhigak biinish Naanogiiizhigak

Daa-babaa-waabanda'iwem akawe dash ji-giigidoyin

May biinish August inangizod

9:00 gizheb biinish 5:00 ishkwa-naawakweg endaso-giizhig

gaye gii-ishkwaa-anokiing gaye gii-gibichiing.

Daa-babaa-waabanda'iwem gabe-giizhig.

Bizaanigo gaye daataanginiganing

daa-onji-waabanda'iwem

GANOONISHINAAM

Waabanda'iwewin wiindamaagewin

gaye ji-ishkonamaagooyin

libii'igewin: tour-visite@scc-csc.ca

Giigidowin: 613-995-5361

Gaawin memwaach ji-diba'igeyin: 1-866-360-1522

Wii-gagwedweyin

libii'igewin: reception@scc-csc.ca

Giigidowin: 1-888-551-1185

The Supreme Court of Canada

301 Wellington Street

Ottawa ON, K1A 0J1

GANOONISHINAAM!



scc-csc.ca

ODAANAANG GAA-IZHISEG

Gaanada Akiing Gichi-dibaakonigewigamig gii-ozhichigaade 1875 gii-izhiseg, awashime 100 daso-biboon gii-ishkwaa-ozhichigaadegin dibaakonigewigamigooon gaa-ayaagin noongom Gaanada Akiing. Noongom iwe Gichi-dibaakonigewigamigo ayaamagan ishkwaawaach dibaakonigewin ji-doojigaadeg omaa Gaanada Akiing.

Iwe Gichi-dibaakonigewigamig gii-ayaamagan Parliament Waakaa'iganan gaa-izhi-ayaagin biinish dash gii-izhigo-ziimagan waakaa'iganing jiiigiya'ii Parliament Ishpadinaang gaa-ayaamagak 1882 gaye dash 1946. Noongom ayaamagan ozhibii'igan imaa Bank Miikana gaye Wellington Miikana gaa-gii-izhi-ayaamagak iwe. Noongom dash gii-maajii-ozhichigaade oshki-dibaakonigewigamig 1939 gii-izhiseg. Dibaakonigewigamig gii-biindigegoziimagan Janurary 1946 gii-izhiseg gii-ishwaa gichi-imiigaading gii-dibaakonigem dash imaa February 5, 1946 gii-izhiseg.

Iwe Dibaakonigewigamig gii-ayaawag ngodwaaso dibaa-konige-ogimaag. 1927 dash gii-izhiseg, gii-niizhwaachiwag dibaakonige-ogimaag, noongom dash 1949 gii-izhiseg zhaangachiwag. Iwe Gichi-dibaakonige-Inaakonigewin ikidoomagan gii-zhaangachiwaad dibaakonige-ogimaag, niswe Quebec daa-onjiiwag. Ogimaawiwon dash ikidoomagan ji-nisiwaad Ontario ge-onjiiwaad, niizh ningaabii'anong gemaa giowedinong Gaanada, gaye bezhig Waabanong. Dibaakonigewinini gemaa dibaakonige-ogimaa 10 daso-biboon gaa-anokiid akiikaaning daa-asaa imaa Gichi-dibaakonigewigamigong Gaanada Akiing. Baamaa ishkwaana-anokiwaad gemaa 75 daso-biboonewaad daa-gibitanokiwwag igi dibaakonige-ogimaag.

GI-GII-GIKENDAAN NA?

Dibaakonigewigamigong makadewikwanawewag dibaakonige-ogimaag. Miskwaaniwan gaye gaa-gigishkamowaad waabishkaanig dash biwwayan waabishki-zhaangweshiwayaan, gii-gichi-inakamigak gaa-izhi'owaad.



Iwe Gichi-dibaakonigewigamig o-gii-ozhitoon Montreal gaa-onjiid inini Ernest Cormier gaa-izhinikaazod. Niizhinoon ishkwaandeman e-onizhishing aapiji. Ayaamaganoon dibaakonigewigamigooon binding, bezhig Gichi-dibaakonigewigamig bezhig dash gaa-andooshkamowaad miinawaa dibaakonigewin izhi-aabajichigaade. Iwe dash nawach gaa-michaag Gichi-dibaakonigewin eta izhi-aabajichigaade, nisawiya'ing e-ayaamagak.

- ▶ Awe asin gaa-ayaad imaa Gichi-dibaakonigewigamigong gaawin gwayak izhibii'igaadesinoon. Gichci-ogimaakwe Elizabeth o-gii-asaan ini asiniin ewiijiwigod onaabeman Gichi-ogimaa George VI May 20 1939 gii-izhiseg. May 19 1939 daa-gii-inakamigan gaawin dash, gichigamiing gii-ondamisewag igi gaa-niizhiwaad.



GAANADA AKIING GICHI-DIBAAKO- NIGEWIGQAMIG



[SCC-CSC.CA](http://scc-csc.ca)



DIBAAKONIGEWIGAMIG ODANOKIIMIWAA

Iwe Gichi-Dibaakonigewigamig Gaanada Akiing ayaa. Gidizhiwiji'igomin e-dazhiikamowaad gegoonan dibaakonigewining gaa-gichi-inendaagokin, e-onji-ozhi'oomagak dibaakonigewin omaa Gaanada Akiing. Niizhwayak izhigiizhwewinan aabadanoon – Zhaaganaashiimowin gaye Baakwaa'ishiimowin. Niizhinoon gaye gaa-daswewaanagakin dibaakonigewinan – gakina inakonigewin gaye civil dibaakonigewin. Imaa Gichi-baakonigewigamigong izhi-dazhiikigaadewan niibiwa dinookaanan dibaakonigewin, gaye gaa-gichi-inendaagog gaye anokiwining gaye gaa-mamaanzhiwaad gaye gaa-izhised awiya.

Giishpin awiya minwendazig gaa-inaakonind dibaakonigewigamigong daa-gagwedwe ji-andooshkang miinawaa bakaan dibaakonigewin, Dibaakonigewigamig ji-ikidod. Gichi-dibaakonigewigamig o-da-dazhiikaanan ini dibaakonigewinan gaa-gichi-inendaagokin, niibiwa awiyag ge-zaamishkaagowaapan.

Gaawiin memwaach gakina naasaab ji-inendamowaad imaa gaa-namadabiwaad Dibaakonigewigamigong. Maawach niibiwa igi dibaakonige-ogimaag enendamowaad da-ikidowag nawach dash gaa-agaasiinowaad da-ikidowag enendamowaad gewiinawaa. Bizaanigo endaso-dibaakonige-ogimaa o-daa-ozhibii'aan enendang. Da-ozhibii'igaadewan ono inendamowinan zhemaak niizhingin izhigiizhwewinan. Ngoding Dibaakonige-ogimaa da-ikido ishkwa noondaageng ezhi-inaakoniged, moozhag dash wiin da-bagidinaawag dibaakoni-ogimaag ji-ozhibii'amowaad enendamowaad.

GI-GII-GIKENDAAN NA?


Giishpin gashkitosig Governor General gaa-inanokiid awashime ango-giizis, awe gichi-dibaakonige-ogimaa onaagajitoo inakonigewin Gaanada Akiing gakina gegoon e-dazhiikang iwe ji-doodang.



Nising dibaakonigewag Gichi-dibaakonigewigamig endaso-gikinoonowin. Ngojigo niso-giizis dazhiikigaade dibaakonigewin gii-dagwaagig, gii-biboong gaye gii-ziigwang. Gii-oshkigiizhigak biinish gii-bakwezhanigiizhigak maawaji'diwag 9:30 gii-izhiseg gakina dash awiyag daa-bizindamoog. Waabandan gaa-ozhibii'igaadeg daataanginiganing ji-gikendaman aanapii Dibaakonigewigamig e-maawaji'idiwaad gaye ji-andooshkaman ge-izhi-namadabiyin.

► Niizhinoon gaa-izhi-agoodegin gakiwe'onan niigaan imaa waakaa'iganing. Iwe Gaanada Akiing gakiwe'on endaso-giizhig ombinigaade ningaabii'anong ji-izhising. Iwe Gichi-dibaakonigewigamig gakiwe'on waababnong eta ombinigaade gii-dibaakonigewaad. Owe gakiwe'on gii-ozhichigaade ji-ayaamagak mazinibii'igewin, 2021 gaa-gii-ozhichigaadegiban.

GAA-INASAGAAG



► Niizhiwag ayaawikaanag gaa-niibawiwaad e'iidaw gaa-izhi-ishpaandaweng bezhig Debwewin e-izhinikaadeg godak dash Gwayakosijigewin. Walter S. Allward izhinikaazo gaa-gii-ozhitood 1913 biinish 1920 e-izhiseg ji-miigwechiwenimind Gichi-ogimaa Edward VII gaawiin dash gii-aabajichigaadesinoonan. Baamaa gegaa 50 daso-biboon e-izhiseg gii-mikigaadewan e-gii-achigaadegin dash imaa 1970 gii-izhiseg.